

Úsáid na Gaeilge (45 nóiméad)

Scríobh d'uimhir scrúdaithe anseo, le do thoil:

Ceist 1

*Léigh an téacs thíos agus scríobh **focal amháin** i ngach bearna. Ba cheart go mbeadh gach focal ceart ó thaobh na céille agus na gramadaí de.*

40 / marc

An féidir le gnáthshaoránach _____ (1) ar bith a imirt ar an bpolaitíocht idirnáisiúnta? Cad is fiú iarrachtaí an duine _____ (2) i gcoinne lucht rialtais agus airm? Iad siúd a chuireann spéis i gcúrsaí reatha, tagann _____ (3) orthu agus iad ag síoréisteacht le tuairiscí éagóra agus éagothroime as gach _____ (4) den domhan. Go deimhin, is minic a deirtear go mbíonn muintir an iarthair ar nós is cuma liom faoi thíortha atá i bhfad ar shiúl uainn. Caithfidh sé gur _____ (5) air sin é Tom Hyland, a chuaigh chun oibre i ndiaidh dó a leithéid de thuairisc a fháil ó oileán i bhfad i gcéin.

“Go luath sa bhliain 1992,” a deir Tom, “bhreathnaigh mé féin agus cuid de mo chairde ar chlár teilifíse faoi Thíomór Thoir*. _____ (6) an clár seo go mór mé. Rinne fórsaí na hIndinéise _____ (7) ar an oileán sa bhliain 1975 agus ón am sin i leith maraíodh timpeall 35% de mhuintir an oileáin. Sin breis agus _____ (8) de dhaonra an oileáin! Bhí talamh na ndaoine á choigistiú agus á _____ (9) ar phlandóirí Indinéiseacha.”

Dar le Tom nach tráth cainte ar bith a bhí ann, ach tráth _____ (10). Bhunaigh sé an *East Timor Ireland Solidarity Campaign*, eagraíocht a bhí _____ (11) ina sheomra leapa i mBaile Munna, Baile Átha Cliath. Is beag cara sa _____ (12) a bhí ag Tom sna meáin chumarsáide ná i nDáil Éireann. Iar-thiománaí bus a bhí ann nach raibh _____ (13) amach ar bith aige ar obair brúghrúpa. “Bhí mé dífhostaithe ag an am. Ní raibh barúil faoin _____ (14) againn conas _____ (15) polaitiúil a rith. Ach i ndiaidh dúinn a bheith páirteach i gclár cainte ar RTÉ, chuaigh daoine i _____ (16) linn, ag iarraidh cabhrú linn.”

Ní fada go raibh oifig dá gcuid féin acu ar Shráid an Dáma agus _____ (17) de chúigear oibrithe lánaimseartha. “D’fhoghlaimíomar de réir a chéile. Bhíomar páirteach i _____ (18) idirnáisiúnta de ghrúpaí tacaíochta a bhí ag saothrú ar son cearta daonna. Am ar bith ar _____ (19) cearta daonna na ndaoine, chuireamar tuairisc faoi bhráid na Náisiún Aontaithe agus eagraíochtaí eile.”

Inniu, tá saoirse bainte amach ag Tíomór Thoir*, a bhí faoi smacht na hIndinéise ar feadh cúig bliana is fiche. Vótáil muintir an oileáin ar son an _____ (20) i reifreann a réachtáladh sa bhliain 1999, scéal a chuir áthas ar a gcairde anseo in Éirinn. Bhí ábhar ag Tom Hyland a bheith bródúil. Ba eisean a chuir muintir na hÉireann ar an eolas faoi anchás mhuintir Thíomór Thoir, agus a spreag an rialtas chun rud éigin a dhéanamh.

* **East Timor = Tíomór Thoir**

Teastas Eorpach na Gaeilge
Scrúdú Samplach: Ardleibhéal 1 (C1)

Ceist 2 *Déan gach ceann de na habairtí thíos a aistriú go Gaeilge.*

25 / marc

1. A new housing estate is being built on the outskirts of Galway city.

2. Áine and Pól were married last year in a village in Italy.

3. Four Irish authors have won the Nobel Prize (Duais Nobel) and it is difficult to say who was the best of them.

4. He loved the humour of the people of the Kerry Gaeltacht.

5. The Arts Officer booked the hall for a photography exhibition.

Ceist 3 *Cruthaigh ceangal coibhneasta idir an dá chlásal sna samplaí thíos. Scríobh abairt iomlán i ngach cás.*

20 / marc

Mar shampla:

Is duine é. Is féidir brath air.

Is duine é ar féidir brath air.

1. Ba scoláire é. B'eol dó a lán rudaí faoi stair an cheantair.

2. Siúd í an fhianaise. Bunaíodh an cás cúirte go léir uirthi.

3. Bhí aithne agam ar bhean. Áine ab ainm di.

4. Sin é an post. Ba dhual dom é.

5. Amhrán is ea é. Níorbh éasca é a chanadh.

Teastas Eorpach na Gaeilge
Scrúdú Samplach: Ardleibhéal 1 (C1)

Ceist 4

Déan cibé athrú gramadaí is gá ar na focail idir lúibíní.

20 / marc

1. Tá mé i bhfabhar [an Ghearmáinis] _____ a mhúineadh i ngach meánscoil.
2. Ceapadh í mar ionadaí ar son mhic léinn [an chéad bhliain] _____.
3. Scríobh sí dhá leabhar le linn na tréimhse [torthúil] _____ sin.
4. Tá dualgais mhúinteoireachta agus dualgais [taighde] _____ ag baint leis an bpost.
5. Tá dúil mhór agam i gcuid de na cláir [greann] _____ a dhéantar i Meiriceá.

Ceist 5

Athscríobh na habairtí thíos san aimsir chuí mar a dhéantar sa sampla.

20 / marc

Sampla:

Bhuail sé isteach san oifig agus phléamar cúrsaí an tsaoil.

Aimsir ghnáthchaite: Bhuaileadh sé isteach san oifig agus phléimis cúrsaí an tsaoil.

1. Téann sí ag sodar roimh bhricfeasta má bhíonn an t-am aici.

Modh coinníollach:

2. Rugadh líon ard páistí sa chathair agus cuireadh brú mór ar sheirbhísí oideachais.

Aimsir fháistineach:

3. Tugaimid aire dár ngnó féin agus ní chuirimid isteach ar aon duine.

Modh ordaitheach:

4. Ceannóidh na turasóirí tithe saoire anseo agus cóireoidh siad go deas iad.

Aimsir ghnáthchaite:

5. Saothraítear agus itear a lán cineálacha bia nach bhfuil taithí againne orthu.

Aimsir fháistineach:
